

密縣志卷十六

賜同進士出身候選知縣前國子監學正武進謝 增

同纂

賜同進士出身密縣知縣充丙子科河南鄉試同考官卓異候陞長白景 綸

叙 錄

知縣李芝蘭密縣志序余宰密閱三載撫念彫殘殫精生聚朝夕飲水母敢逸豫憶入境之始蒿萊滿目而茲且田塍畢如矣瓦礫紛披而茲且室廬繡錯矣及循覽古蹟歲時裡祀奔走榛莽之間顧瞻狐兔之蹤而茲且輪奐丹堊次第興復矣雖民社之責百不塞一然迴視筮仕初心庶幾無大隕越豈區區謏劣是爲亦得之賢士大夫之指示故老遺文之考稽者多也其地方利病之源風俗淳澆之故民情誠僞之端間有疑隙則取縣志繙閱之覈故實鏡疑絜問途已經竊取成憲每孜孜不倦第密之志成于成化甲辰修于萬厯癸酉及崇禎甲戌然皆簡率掛漏而甲戌以來更不勝缺略之嘆際

國朝鼎盛諸務維新國史郡乘均屬鉅典而

簡命嚴于日星典制視若弁髦其謂之何公事之餘因與紹之韓孝廉鑑空張明經議修密志蒐討故實博諮輿論芟蕪存真輶文崇質鉛槧劼密閱兩月而告竣兩君子泪諸士民咸謂密蕞爾一隅文獻寥寥茲者舉要綜凡詳而不蔓信而不誣匪啻昭往洵足詔來已余曰唯唯否否天下事有成于偶然而隳于必然得之脫畧而失之明備者密

固善地也僻處萬山之中簡絕四應之繁在昔戶口鱗集  
建置櫛比風氣醇良人文炳蔚令茲土者得以優游簿書  
從容卧理然前之從事者尙未釋不明不脩之憾况至今  
口時經改革屢際兵燹戶口建置風氣人文視昔不及什  
伯之一余不佞數年濫竽瞿瞿汲汲心神之所劑劃教令  
之所敷宣惟期逭於罪戾卽修志之役集思廣益據事直  
書亦惟矢不得不然之慮以覬免脫落之失而諸君子亟  
稱之未足昭往安所詔來抑信而不誣則可謂云爾已矣  
邑舉人韓繼文重修密縣志跋志也者非僅志其山川土田  
文獻名物已也將因地制宜以示勸懲以昭法守也密故  
有志經兵火殘毀之餘所載甚畧且于甲戌以後闕焉雖

密縣志卷十六

叙錄  
舊序

二

謂之無志可也我賢侯李公才兼三長政成四載循績已  
勒豐碑其最異者修廢舉墜不煩民力而仰符帝鑒如鼎  
文廟而瑞芝產于棟間建石橋而欄楯得之禱應神人和  
協呼吸感通洵足異已因念風土民俗利弊因革之源經  
畫調停之故匪志莫存汲汲乎圖修密志採及芻蕘諮誠  
探討靡蕪靡誣務晰務真使百里提封一披閱而飭如繩  
燿煥若丹青斌斌乎大脩矣無論晦冥凡傑莫不的然有  
所考鏡而灼然有所觀感公之造于密顧不偉歟昔人有  
言文章經國之大業不朽之盛事今日之志固公經世之  
文不朽之業于以示勸懲昭法守後之人庶有所遵循也  
哉

知縣袁良怡重修密縣志序周禮小史掌邦國之志外史掌四方之志又有職方氏掌天下之圖以辨其邦國都鄙人民與財用九穀之數迨秦壞亂古法變井田而開阡陌廢封建而立郡邑則今之邑令竟如古五等諸侯子男之國也今之邑志竟如古職方氏所掌天下之圖也且今之邑志其志方域志建置以及志人物文藝等自又竟如古辨邦國都鄙人民與財用九穀之數也不佞治錦八年茲忽補密甫越月兼攝陽城閩大中丞檄將密邑衷王兩令所修舊志叅閱纂輯繕稿以呈居無何而閩中丞往鎮古黔不佞自省寡聞孤陋躊躇未果邇則復攝東里日奔走于車塵馬足間更未遑從事而李大中丞又手書趣上邑乘

密縣志卷十六

叙錄  
舊序

三

因與兩齋學博商曰怡嘗於簿書之暇讀史至周靈王己亥晉侯與諸侯伐鄭會於蕭魚註載蕭魚在開封之密乃自受事以來訪之故老故老不知稽之舊志舊志不傳由斯以觀則今日之役政如古人論紀事之難必得人如劉知幾所謂具才學識三者之長然後可以文質相稱本末兼該也用是遴選諸生入局相與統任採輯廣收博取縷析條分其於名山佳水幾何所則必書蓋曰此搜竒攬勝之所係也其於沃壤瘠土幾何區則必書蓋曰此兩稅三限之所關也其於聚廬而居者幾何族聯鑣而起者幾何氏則必書蓋曰此鍾靈毓秀之所屬也其於目下李感恩循聲嶺海鄭貞烈縊殉穴壙則亦必書蓋曰此密之文明

曰起氣化曰開爲後來者之所則倣也他若忠臣孝子貞女節婦與夫白松仙踪雲巖帝蹟久經前人歌咏而討論者尤必援古證今務使盡協輿論而後方敢大書特書焉斯志也衷君蓋勵厥始矣諸君蓋勤厥中矣不佞蓋慎厥終矣然不識與古職方所掌者爲何如也哉

知縣秦勳重修密縣志序邑之有志也凡山川之壯麗田賦之多寡戶口之盛衰職官之賢否物產風俗之異同美惡邑人士女之潛德懿行皆備載之所以述往事詔來者昭法戒而垂勸懲也至

國家典制現所遵行尤宜詳載使涖任伊始者可按籍而稽焉豈非令之所宜首務哉予自庚午承乏密邑檢閱前志

密縣志卷十六

叙錄  
舊序

四

云始于成化甲辰而不著其名氏江陵蕭公河朔苗公相繼纂修舊本皆不存唯

本朝以來李公芝蘭修於順治癸巳體制雖具近於簡畧袁公良怡修于康熙乙亥則浮文太盛嫌于繁冗思刪其浮補其缺增丙子以後六十年事蹟脩一邑典故值

鸞興巡幸中州辦理台站東西奔馳旣又奉檄修

御射亭常十塚事多棘手曰不暇給未遑及也旣而邵郡尊將修府志檄取縣事謀采訪邑紳士進而請曰密志之不修也歷年所矣若復數年故老旣沒雖欲從事紀載孰從而問之茲誠鉅與不可以緩予曰是吾志也於是張明經蘊升載筆韓生星源與阿咸丹復蔡生麟洲共襄厥事而

予爲之筆削訂正焉稿前就未及授梓而予以越獄墨吏議此事付度外矣未幾史蓼亭先生以江左名儒來泣茲土復以相委固辭不獲乃重檢前稿詳慎增損期於文簡而事脩大約刪袁志之冗泛者十之三增兩志之未備者半之乃釐爲十二卷付諸剞劂焉或見之曰漕米也禮樂也里保風俗也駐防也封蔭也凡例也增之可也若恩旨不獨爲密載之邑志母乃僭省志體乎予曰不獨爲密而密亦被之則可載其不及於密者自不載也何僭焉且我

朝典制超越前古如續增人丁永不加賦丁徭入田畝嘉惠  
榮獨建忠義節孝祠以磨厲世俗立先農壇置藉田舉農

密縣志卷十六

敘錄  
舊序

五

官以勸農事厚生正德誠求保赤之思無微不入皆前代所未有也而密人實身被焉雖不獨爲密而密可忘諸乎詳於志中使窮鄉僻壤稍識之無者一展卷而皆知深仁厚澤之所由擊壤鼓腹咏帝德而歌王風情農知勸薄俗知興此亦令之責也予方以必不可入邑志者不及盡載爲憾而乃以爲僭乎哉唯是才識寡鄙學殖荒陋謏劣無文之譏誠所不免則以俟博雅者修飾而潤澤之是所望於後來之君子

銜名

嘉慶二十二年新修志成  
開雕于六月訖功於九月

纂輯

候選知縣前國子監學正謝

增

順天大興人籍  
江蘇武進人籍

同纂

密縣知縣

景 綸 滿洲廂黃旗人 己巳進士

參較

密縣教諭

張秉坤 宜陽縣人 乙卯舉人

密縣訓導

王熙堂 夏邑縣人 甲寅舉人

經理

密縣典史

董 鋹 順天宛平籍浙寧波人 監生

密縣協防外委把總

楊向文 汝陽縣人 武生

繪圖

前如意館供奉

楊湛思 江蘇武進人 監生

歲貢生

屈為鼎 邑人

密縣志卷十六 叙錄 銜名

六

分校

丁丑科進士戶部主事

張紹衣 以下皆邑人

己酉科舉人湖南黔陽縣知縣

周文重

甲午科舉人前夏邑縣教諭

陳光臨

拔貢生魯山縣教諭

錢青山

戊辰科舉人

張紹復

癸酉科舉人

李 雲

丙子科舉人

王格正

採訪

己亥科舉人前山東平原縣知縣

裴廷桂 浮山人 保

壬子科舉人前彰德府訓導

周訪禮 院青保

廩貢生前洪縣教諭

周彰如

謝二村保固

庚申科舉人前署修武縣教諭

冉及第

高村保

乙卯科舉人洛陽縣教諭

張紉芳

王村保

甲寅科舉人新選虞城縣教諭

張耿南

在城天保平陌三仙

辛酉科舉人大挑候選教職

李永昶

南朱曲梁折村王寨四保

丁卯科舉人大挑候選教職

張森榮

張固保

丁卯科舉人大挑候選教職

傅咸如

在坊保

乙卯科舉人

傅瀚如

在城方山常在村三保

候選布政司理問

司自修

盧村保

歲貢生

王名魁

官澤保

生員

鄭相臨

西邢保

密縣志卷十六

叙錄 銜名

七

協訪

拔貢生

張居恭

官澤保

拔貢生

王化行

浮山保

副貢生

周岐生

謝村保

歲貢生

屈爲鼎

方山保

歲貢生

王魁臣

浮山保

歲貢生

盧星辰

浮山保

歲貢生

錢培桂

王村保

捐貢生

柴莪

高村保

廩膳生

司邦直

岐固保

廩膳生

馮克立

天仙保

廩膳生

蔡慎行  
保高村

廩膳生

劉臨川  
保張固

廩膳生

王珠林  
保官澤

廩膳生

陳元齡  
保謝村

廩膳生

楊彤如  
保在城

廩膳生

鄭樹芳  
保岳村

廩膳生

韓鳴皋  
保浮山

增廣生

陳種  
保王寨

增廣生

張崑瑜  
保張固

增廣生

朱鵬翔  
保南朱

增廣生

陳邠  
保南朱

密縣志卷十六  
叙錄  
銜名

八

生員

張願可  
保在城

生員

李青芳  
保在城

生員

魏企田  
保平陌

生員

皇甫叢  
保平陌

生員

鄭卿雲  
保岳村

生員

韓孟依  
保上郭

生員

趙嵩毓  
保土郭

生員

邢思檢  
保方山

生員

樊錫川  
保院青

生員

周際丙  
保王村

生員

張基敞  
保西刑

張位東



生員

王樂夫  
保王寨

監生

王諲  
保在城

監生

郭石山  
保在坊

監生

張居書  
保常村

監生

劉鉅  
保西邢

監生

張淑躬  
保謝村

生員

宋明倫  
保曲梁

監刻

生員

韓凌雲

武生

郭廷遴

武生

慕振清

密縣志卷十六  
叙錄  
銜名

九

武生

韓居午

書寫

戶房

張珏

禮房

陳常德

承發房

高毓峰